



**ZAPISNIK O RADU 49. SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 13.11.2023. GODINE**

Broj: 01-GV-02-1699/23  
Sarajevo, 13.11.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović-Čengić“
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
8. Drago Jurić, zamjenik predsjedavajućeg Kluba gradskih vijećnika „USD-BOSS“
9. Jasmin Skorupan, predsjedavajući Kluba gradskih vijećnika „Korora/Skorupan“
10. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
11. Samir Bejić, predsjedavajući Kluba gradskih vijećnika „Danijela Šahat - Samir Bejić“

Odsutni: Mila Eminović, sekretar Gradskog vijeća i Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srdić“.

Sjednici je prisustvovao Samir Avdić, zamjenik gradonačelnice Grada Sarajeva.

Sjednici je prisustvovala, po ovlaštenju gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 13.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 10 glasova „za“ i jednim „suzdržanim“ glasom **je usvojio** Zapisnik o radu 48. sjednice Kolegija Gradskog vijeća, održane dana 31.10.2023. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 49. sjednice Kolegija Gradskog vijeća, tako da glasi:

1. Informacija o realizaciji Zaključka koji je donesen na 32. sjednici Gradskog vijeća održanoj dana 25.10.2023. godine, u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“
2. Priprema za održavanje 33. sjednice Gradskog vijeća Grada Sarajeva
3. Tekuća pitanja

#### **Ad 1)**

**Informacija o realizaciji Zaključka koji je donesen na 32. sjednici Gradskog vijeća održanoj dana 25.10.2023. godine, u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“**

**Jasmin Ademović, predsjedavajući Gradskog vijeća** je informisao članove Kolegija o sadržaju sastanka na kome su bili prisutni **Bakir Hadžiomerović, direktor JP „Sarajevo“ d.o.o. Sarajevo, Benamina Karić, gradonačelnica Grada Sarajeva, Jasmin Ademović, predsjedavajući Gradskog vijeća, Admir Jusufbegović, pravobranilac Grada Sarajeva i Merima Arifhodžić, pomoćnica Gradonačelnice za urbano planiranje, investicije, stambene i komunalne poslove.**

U raspravi, koja je uslijedila, učestvovao je **član Kolegija Seid Škaljić.**

**Kolegij Gradskog vijeća, na prijedlog Jasmina Ademovića, predsjedavajućeg Gradskog vijeća,** je konstatovao da se očekuje da Pravobranilaštvo Grada Sarajevo i Javno preduzeće „Sarajevo“ d.o.o. Sarajevo, za 33. sjednicu Gradskog vijeća, pripreme Informaciju o realizaciji Zaključka koji je donesen na 32. sjednici Gradskog vijeća održanoj dana 25.10.2023. godine, u povodu razmatranja Informacije o realizaciji Odluke o pristupanju projektu osnivanja naučno – istraživačke infrastrukture „Tech4Green“ i dostave Gradskom vijeću, najkasnije do 20.11.2023. godine.

#### **Ad 2)**

**Priprema za održavanje 33. sjednice Gradskog vijeća Grada Sarajeva**

*a. Termin održavanja sjednice i dinamika aktivnosti u pripremi sjednice Gradskog vijeća*

**Jasmin Ademović, predsjedavajući Gradskog vijeća** je podsjetio članove Kolegija da je na 48. sjednici održanoj dana 31.10.2023. godine utvrđen termin održavanja 33. sjednice Gradskog vijeća.

Upoznao je članove Kolegija da u srijedu 29.11.2023. godine u 14.00 sati putuje te je predložio da sjednica počne u 9.00 sati.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** zaključak, tako da glasi:

**33. sjednica Gradskog vijeća će se održati 29.11.2023. godine u Vijećnici s početkom u 9.00 sati.**

\*\*\*\*\*

**Jasmin Ademović, predsjedavajući Gradskog vijeća** je podsjetio članove Kolegija da su sjednice radnih tijela, u pripemi 33. sjednice Gradskog vijeća, zakazane i većina sjednica će se održati u toku ove sedmice te da će radna tijela imati priliku iznijeti svoja mišljenja, eventualne primjedbe, prijedloge i sugestije na Nacrt Programa rada Gradskog vijeća za 2024. godinu koji je u javnoj raspravi.

Podsjetio je, ponovo, da je ovo posljednji Program rada Gradskog vijeća Grada Sarajeva, u ovom sazivu Gradskog vijeća, koji će Gradsko vijeće donijeti i realizovati u cjelini te je potrebno obratiti pažnju da u Programu budu uvrštene aktivnosti koje je, realno, izvršiti do kraja sljedeće godine.

\*\*\*\*\*

**Jasmin Ademović, predsjedavajući Gradskog vijeća** je podsjetio članove Kolegija da će, na 33. sjednici Gradskog vijeća, biti razamtran Nacrt Budžeta Grad Sarajeva za 2024. godinu te će, odmah, nakon sjednice biti upućen u javnu raspravu koja će trajati do 11.12.2023. godine.

Pozvao je članove Kolegija da na Nacrt Budžeta Grad Sarajeva za 2024. godinu djeluju tokom javne rasprave.

\*\*\*\*\*

**Jasmin Ademović, predsjedavajući Gradskog vijeća** je podsjetio da je Kolegij Gradskog vijeća, na 48. sjednici, prateći realizaciju Programa rada Gradskog vijeća, dobio informaciju o temama koje se očekuju u prijedlogu dnevnog reda 33. sjednice Gradskog vijeća.

Informisao je članove Kolegija da je Gradonačelnica, u međuvremenu, dostavila još četiri prijedloga odluka i to:

- Prijedlog Odluke o utvrđivanju posebnog značaja za Grad Sarajevo za Udruženje Kali Sara - Romski informativni centar,
- Prijedlog Odluke o utvrđivanju posebnog značaja za Grad Sarajevo za Udruženje za podršku i promociju jevrejske kulture, tradicije i turističkih potencijala „Hagada“,
- Prijedlog Odluke o utvrđivanju posebnog značaja za Grad Sarajevo za Udruženje generala Bosne i Hercegovine,
- Prijedlog Odluke o pristupanju realizaciji Projekta adaptacije poslovnih prostora za potrebe predškolskog odgoja i obrazovanja koji se nalazi u ulici Omladinskih radnih brigada od broja 3 do broja 5.

Podsjetio je članove Kolegija da je na 48. sjednici najavljeno da će Gradonačelnica uputiti u proceduru i Nacrt Odluke o podizanju spomen-ploče mladim doktoricama poginulim u nesreći na Marijin dvoru.

**Aida Bajramović, sekretarka organa uprave** je obrazložila da Nacrt Odluke još nije spreman te da je njegovo usaglašavanje u toku.

**Jasmin Ademović, predsjedavajući Gradskog vijeća** je istakao da je potrebno na 33. sjednicu Gradskog vijeća uputiti i Nacrt Odluke o podizanju spomen obilježja pod radnim naslovom „Sarajevo Olympic Journey“ obzirom da je Multimedijalna instalacija „Sarajevo Olympin Journey“ sadržana u Programu obilježavanja ZOI 84 te je jako bitno da se Nacrt Odluke razmatra na 33. sjednici Gradskog vijeća.

Zatim je **Aida Bajramović, sekretarka Gradskog vijeća** upoznala članove Kolegija da će Gradonačelnica predložiti za razmatranje na 33. sjednici Gradskog vijeća još dva materijala, i to:

- Prijedlog Odluke o davanju saglasnosti gradonačelnici Grada Sarajeva za zaključivanje sporazuma sa Ministarstvom za boračka pitanja Kantona Sarajevo i Udruženjem veterana odreda „Bosna“, a kojim se regulišu međusobna prava i obaveze.
- Prijedlog Odluke kojom će se propisati manifestacije u sklopu sportskog programa održavanja manifestacije obilježavanja 40. godišnjice ZOI 84 u Sarajevu, a kojom će se utvrditi iznosi i dati ovlaštenje gradonačelnici Grada Sarajeva za zaključivanje ugovora sa organizatorima ovih događaja.

**Jasmin Ademović, predsjedavajući Gradskog vijeća** je informisao članove Kolegija da će Informacija o Elaboratu o isplativosti i organizaciji Projekta naučno-istraživačke infrastrukture „Tech4Green“ sa prijedlogom zaključka, najvjerovatnije, biti upućena na razmatranje Gradskom vijeću, po hitnom postupku.

**Ad 3)**

**Tekća pitanja**

\*\*\*\*\*

**Jasmin Ademović, predsjedavajući Gradskog vijeća** je konstatovao da nije bilo priedloga za izradu Programa rada Skupštine Kantona Sarajeva, a u vezi sa pozivom klubovima gradskih vijećnika sa 48. sjednice Kolegija Gradskog vijeća da se, evnetualni, prijedlozi za izradu Programa rada Skupštine Kantona Sarajevo dostave do traženog roka.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da je Gradskom vijeću upućena ostavka na javnu funkciju Kenana Mamića člana Komisije za drugostepeno upravno rješavanje.

Imenovani je predložen za člana ovog radnog tijela od strane Kluba gradskih vijećnika „Korora/Skorupan“.

Ostavka je prosljeđena ovom klubu na dalje postupanje, ali prijedlog kluba za razrješenje i izbor novog člana nije dostavljen.

U skladu sa navedenim, predložio je da se ostavka Kenana Mamića proslijedi Komisiji za izbor i imenovanja, da Komisija utvrdi Prijedlog Odluke za razrješenje član radnog tijela, a da Klub gradskih vijećnika „Korora/Skorupan“ predloži novog kandidata Komisiji za izbor i imenovanja kada bude za to spreman.

**Član Kolegija Jasmin Skorupan** je upoznao članove Kolegija Gradskog vijeća da će za člana Komisije za drugostepeno upravno rješavanje predložiti Emsela Krupaliju te da će prijedlog dostaviti, odmah, po završetku sjednice Kolegija.

**Član Kolegija Adi Škaljić** je postavio pitanje vezano za program ceremonije obilježavanja 25. novembra - Dana državnosti Bosne i Hercegovine.

**Jasmin Ademović, predsjedavajući Gradskog vijeća** je dao kratke informacije uz naznaku da Gradsko vijeće ne učestvuje u pripremi ceremonije već Gradonačelnica, a Aida Bajramović, sekretarka organa uprave je upoznala prisutne da će na vrijeme biti upoznati sa svim bitnim elementima obilježavanja ovog važnog datuma i da su pripreme u toku.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 13.30 sati.

*SEKRETAR GRADSKOG VIJEĆA*

*Mila Eminović*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*